



薊丘集卷之二十九

薊丘王嘉謨伯俞

著

門人關中盛以弘子寬

友人濱州王文運子相

弟

嘉詔奉孺校

七言絕句八十三首

西宮秋怨二首

長樂鍾磬五夜殘
淒迷清漏曉煙寒
宮樹朦朧鴉亂起
蕭蕭自倚玉闌干

二
曲屏銀燭夜初長
風捲空堦落葉黃
簫鼓殷殷
何處晚濃陰
細雨斷人腸

閨怨三首

落月西風滿曲樓
珠簾猶自控金鈎
玉顏乍向
花前立
香氣依依上暮愁

二

翠翹斜綰傍簷楹
綠樹陰陰送鳥聲
腸斷玉關
春又盡
碧峰無限月初明

三

綠楊着雨映雕欄
獨自傷心翠黛殘
不知明月
懸高樹
猶照珠簾春夜寒

采蓮曲二首

西洲鴈落暮煙開
越女新粧照水來
舟中滿載
蓮花濕
獨自徐牽錦纜迴

二

殘露斜風入芰荷
荆腰越豔弄清波
綵雲半照
平湖晚
誤識新粧月下過

步虛辭二首

海上浮雲接楚城，月華聚散映霓旌。
風起琅璫嬌似鎖，人間何處步虛聲。

二

丰茸絳簡襍琅玕，環佩飛聲春露寒。
空山夜夜無人迹，笙鶴年年只自看。

青樓怨二首

風殘池苑暮簾陰，坐掩香幃露氣深。
學將歌舞翻愁思，寂寂誰堪秋色心。

二

香陌花飛春色寒，新粧終日倚闌干。
飛塵楊柳歸思緩，不惜堦前芳草殘。

少年行

燕中酒市少年徒，風流不數漢金吾。
朝同博士論竒字，暮向河橋射野狐。

草生盤石曲三首

白霜衰草雨沉沉，獸捲珠簾萬里陰。
經年鞞鼓長城裏，不道金閨秋色深。

二
秋風欲曙露盈條
絲管憑愁獨自調
玉顏何事堪驚訝
鎮日空閨鎖寂寥

三

舊恨翻將顏色疑
篋侯初換上鞞遲
紅粧玉枕秋將盡
白草長城望不移

明妃辭

空磧飛沙獵響頻
琵琶新調自殊倫
貂裘日日堪憔悴
誰道丹青解悞人

從軍行十首

欲控彫弓逐左賢
陰風獵獵草翩翩
橫行鐵嶺知何日
自住燕支已十年

二

薊門督府直豪雄
獨靜邊塵列上公
大開玉案交文士
不數當年塞上功

三

海風漠漠到邊州
鼓角黃昏起戍樓
獨卧玉鞍愁欲老
十年辛苦為防秋

四
獨掣鷗旗向混同遙看蔚朔草連空玉燭坐調
千萬歲麒麟偉績是和我

五
上林珠玉賜名王雨雪陰山道路長淒迷蘆管
知何處疑是征胡舊戰場

六
春來青塚草還生萬里征人離別情琵琶馬上
翻新調何似當年出塞聲

七
金花篚服向西陲萬里喧傳羽檄遲河湟烽火
單于獵愁殺邊城征戍兒

八
錦韉半額翠氍毹千乘前行向遠途青海水生
堪飲馬天山月滿欲平胡

九
十年海上屢平戎飛將天山已挂弓遼西千里
人烟少驃騎應堪獨論功

十
鴈門關外鴈初飛
築罷長城萬里歸
一望屯田
心欲折將軍池沼足光輝

家園偶題二首

平林蕭颯屬涼初
垂釣清川風色疎
可憐無限
虹蜺志日暮茅簷空讀書

二

人生已長未離鄉
釣魚獵兔二十霜
黃金臺下
傷心草鬱鬱霏霏送夕陽

有懷

春色霏霏桃李香
平明樓上憶瀟湘
他鄉不道
扁舟早夢裏堦前芳草長

宴篔簹莊

日暖風和澹遠林
金壘注酒醉春陰
笛聲衙處
愁將晚明月菱歌意氣深

客中作

昨夜烟寒水滿汀
桃花樹色散郊坰
平明簾捲
重陰積不道愁心滿曲庭

答王大問旅舍處

露濕金駘春日低故人相問帝京西
溪流百道平陽寺孤館寒山樹欲迷

望西湖

望湖亭上白雲迴百尺銀河接地開
兩岼綠林迎日出萬山黛色截天來

歸宿松林菴

樹隱空山草色濃野湖春氣滿雲松
平沙火照知何處匹馬遙聞古寺鍾

送人

高秋河上樹蕭森送客離筵萬里心
君向漢陽愁見鴈莫令此處芳草深

送人

塞上橫行未拜侯江樓南去意悠悠
扁舟薄暮看明月何處相思滄浪洲

送人之新都

大郭霏霏雨色來離筵春日對江開
孤帆此夜迷何處腸斷濤聲夢裏迴

送人之廣陵

遙看海色過橫樓，萬樹江中送客舟。
月照關山莫辭醉，明朝風雨廣陵秋。

送人

古寺春深花色寒，曲流激映月將殘。
何年萬里遙相憶，芳草孤城兩地看。

鄧大家宴集

晚風曠野起清津，惟賴相逢意自親。
聊對關山與君醉，莫教空見落花春。

送人

淒迷遠色野村深，把酒遙看淚滿襟。
塞月隴雲何處望，相思愁向夢中尋。

旅懷

西湖秋月蕩船明，夕鳥遙隨一帆輕。
今夜夢魂何處是，不堪愁思鬢邊生。

別弟仲言

孤城流水日初長，獨自征騑伴夕陽。
西望青山應憶汝，秋風何處不沾裳。

憶呂十一

紅泉瀉激映晴川相憶分飛萬里天莫道別離
無恨處春風垂柳漫相憐

旅寓園中池上

新晴拂曙向空池殘月朦朧惱夢思何事離愁
易憔悴滿園春草不勝悲

贈蘇五

玉露寒風映晚空獨將拄杖佇飛鴻莫論羈旅
愁偏劇且自酣歌杯酒中

崇東皇祠求嗣二首

雲霓燦爛閃旌旗綠樹懸崖青帝祠祭罷不勝
愁意結莫將羈旅怨凄其

二

仙壇映碧隱清瀾彤饗焚炷望未殘金鳳異香
三殿滿玉盤佳氣四時寒

偶然作

瓦盆秋水拖蒼苔窮巷柴門迤邐開飛花瑣屑
盈文案讀罷殘書首重廻

送人

昆盧閣外月朧朧，獨向南天別思窮。
今日且拚芳酒醉，明朝猶勝怨征蓬。

送別

寒江橘柚映湓成，萬里雲山失故情。
莫道扁舟向鱸膾，十年白髮為誰生。

西山雨中寄家書

寒雨綠山散路岐，山頭迷望漫經時。
可憐日暮逢君去，淚裊千行報故知。

望西山

露照西山曙色明，柳綠桃紅湖水平。
金樽美酒寧須惜，無那幽憂離別情。

山中秋夜

沉沉鼓角意踟躕，斜掩柴門月落初。
空村漁火連光起，幽樹孤舟夜捕魚。

山中曉望

微風浙瀝斷朝煙，楓葉蘆花湖色前。
簾櫳低見千巖曉，萬里浮雲落九天。

壽 老母恭人辭二首

芳花香醞下瑤池玉燭初開寶氣隨
共待月明南極近萬年星色照歲隄

二

菁葱秋氣繡簾明四顧瓊筵佳色生
庭下香芝歧穗出樽前瑞酒百花盈

奉 家大人行營作

玉露鳴林花色晴中郎裝束事專營
窮經潦倒嗟無志何處悲笳風裏生

憶人

路指三鷗憶故人天涯惆悵自沾巾
誰憐老大還漁獵何日相看意氣親

二

草萌滿地雨如絲空閣腫臃憶所思
十年京洛偏留滯憔悴相逢未有期

答人

斜日依依榆柳陰風塵不覺二毛侵
莫將潦倒憐離別夢裏青山連夜心

暮歸

獨吊寒燈夜色深
庭槐風動積清陰
薊門十載堪漂泊
處處青山旅客心

帝城覽古

百草連絲生晚風
帝城北望五陵通
悽迷古寺斜陽盡
坐憶前朝山色中

淤泥寺齋房

陰陰叢薄映香臺
滴瀝泉聲閣道迴
自是野人消息斷
門前涼雨積新苔

貽雲菴上人圖書

石函丹牖擅新礮
相對寒煙繞樹風
關城迢遞羈離久
何日過從秋色中

贈雲菴上人

移居雲壑遠塵寰
西望孤松照暮山
辛苦梵情無那老
門前流水到人間

秋興

盧溝橋上月初明
十里離家此夕情
悵望秋天自垂泪
荒村露濕少人行

春日朝天宮與王大飲

天階露色向空壇
碧樹虛明承露盤
日夕飛觴苦
輕肆東風沉醉不知寒

海墾三聖祠前作

新祠岐路帶前途
十里寒雲春草孤
苦憶鄉關迷處所
坐看雨色上西湖

偶成

十四
歲作

一卷殘書驚我夢
數聲啼鳥落山花
有懷獨抱孤琴往
古樹空村百姓家

平播鏡歌

詔書新遣落三台
萬里風雲拓地開
虎豹坐驅何處入
貔貅十萬自天來

二

遼東司馬大名垂
川合東西聽拍搗
雍容翠幕頻籌策
春日晴江樹翠旗

三

峨眉雪散蜀江清
啣尾舳艫日夜行
絲管絃歌堪醉酒
征人不似在邊城

四

牛塘蛇國自冥冥
百仞紆回處處通
戈甲不妨天上落
軍中一夜走羣凶

五

紅旗簇簇遠相隨
笳鼓軍聲滿六師
封侯真自看邏娑
寶劍還應斬郅支

六

青楓丹荔映沙場
十萬從征道路長
爭把茅旌收小隊
共看繡服擁名王

七

箐林毒霧不曾晴
雲滿羣山壓雨聲
紅旗半捲遙相合
一挽天河洗甲兵

八

金髀玉帖控新驂
馬上清吹酒半酣
回首千崖蒼翠晚
銅標重復樹西南

九

一掃鯨鯢萬里平
千家絃管徧渝城
朝來試聽從軍曲
半是秦聲半楚聲

十

捷書飛奏未央宮萬國歡呼清畫同莫訝絲綸
堪列土麒麟誰復似君功

宮詞二首

新詔才人共寫真闌干獨凭自傷神漢家多少
丹青手能畫蛾眉有幾人

二

娑盤妙舞上聲歌技絕當年可若何自信玉顏
誰復識春來魂夢更蹉跎

戲題宅前清漪亭

岡扉斜構襍寒藤榆柳千章夕氣凝門前自有
清溪水不向桃花問五陵

薊丘集卷之二十九終

薊丘集卷之三十一

七言絕句八十首

入盤山見瀑布

丹崖曲逕露如班
春樹冥冥萬壑間
百道飛泉何處落
孤雲一片照青山

送張沔池大尹

洛陽西去柳如煙
沔水平臨四邑傳
塞帷古意堪惆悵
為取薰風入管絃

荅王孝廉

經時寂寞掩柴扉春滿青山久不歸莫道天涯
離思苦西門一望淚沾衣

二

仙祠舊跡草紛紛獨探驪珠直羨君我有高懷
寄山月春深不復媿離羣

題雪舸先生草堂二絕

華軒敞幕晝常陰月色遙臨松色深誰道東山
歸興晚十年青鬢早抽簪

二

司隸高名百代齊英年謝事足幽栖經綸不令
當年見翠釜芝幢久自攜

送張畫師還鄴二首

如山畫者自紛紛妙意經營獨見君多應海內
論知己何事空山卧白雲

二

霜風凜冽雪沾襟匹馬清漳萬里陰尋常絕技
何人識看取青山處處心

九日雨舊有詩紀興會有人自仙人巖

至言是日望神木龍安諸山皆雪也偶
詠之以寄表兄參軍

重陽細雨盡滂沱仙人巖上自橫戈
秋風一夜千山雪腸斷南天草色多

二

漢家陵寢近邊陲明月千秋白草悲
暮雨不應寒墮指雪風吹落鵲頭旗

署中齊居二首

竹葉披離雪照塵微風簾捲露華新
青山自許

當前席寒鳥猶應訝吏人

二

百年樹色水潺潺青鬢蕭疎藻綬班
寄情頗有高人榻捷徑真輸太乙山

寄游淳甫表弟二首

百花潭水妙高峰翠色烟光春幾重
茯苓同煮堪投老竹杖相攜忽化龍

二

薦至泉聲玉色清禹餘糧滿五芝榮
青山咫尺

非無意幽賞追隨有幾人

送人

羨君別業擅江南
秋雨初寒千樹柑
日暮一杯堪送別
不堪頻折柳毵毵

遣興

慘淡寒雲遶野林
新詩賦就不堪吟
青山有意誰能識
白髮何曾辨世人

送陳沂水大尹

紛紛山雪落晴煙
坐聽驪歌楊柳邊
離情却寄

東流水 一夜潺潺送客船

送許君還瓊崖

子偉

楚雲朔雪路茫茫
千里征駟道路長
春草故鄉何日到
三年遊子久沾裳

西河春暮三首

門外春流遠徑分
半添殘雪半穿雲
夕陽多少山花落
飛去飛來黃鳥羣

二

春陰匝地綠楊垂
一望千家煙雨遲
昨夜漢宮

新賜火翠旄早報羽林兒

三

三月三日陰色新坐聽林端啼鳥頻輕車襍飲
歸何晚更有明朝解與人

小園春日與弟輩作

園林十畝草離離雪鬢將扶兄弟隨方將棗樹
誇庾宅更鑿清流比習池

二

十樹孤松拂畫廊更栽芟芟向空塘負郭久迴

逋客駕少年不藉尚書郎

寄呂十九

百花陀裏暮雲晴匹馬遙看隔帝城憔悴故人
誰更識羞將漢獵負生平

安肅道中

北望西徑路不迷御馬河邊草濕衣穿林蔽野
南來鴈何事他鄉日日飛

灤城雨中遣懷

灤城城外雨蕭蕭曙色初開山色驕無那東方

千騎過更愁紅粉自朝朝

趙州橋上口號

濛濛雨色亂襄陵煙掩長虹自古稱不是臨高
情更劇離愁真自不須登

渡河思家二絕

黃河直下水無聲帝里回瞻離別情帆影漸消
人漸遠歸心愁見洛陽城

二

辭家遠向穆陵關曉渡黃河淚不乾直置思家

腸已斷不堪重望薊門山

沔池有懷二絕

山頭綠樹映天明山底桃花連澗生自看沔水
肝腸斷愁殺重經隴坂情

二

會盟壇下沔池流草色連天蔽故丘隴月只堪
懸太白秦雲不解到幽州

張茅崖夜即事

魂夢分明初別離覺來山月照空帷彌天雨氣

催楊柳不是秋聲自可悲

華清宮二首

朝元閣上雨聲寒異代猶存太乙壇
山鳥自歸清澗滿憑誰愁壓玉闌干

二

繡嶺風光千古情重來山壑日初明
東風不向瓊簾度惟有松陰滿華清

獲嘉寄書報家

不信驅車恨萬重炎天弭節路無蹤
莫道風塵

離思苦歸時看取別來容

二

家無四壁博虛名辛苦悲吟婦病行
郭丹豈是乘車者坐愧東西南北人

曹州道中聞蟬

柳如驄馬草如袍日午驅車路更遙
莫訝蟬聲自愁思秋風明日更蕭條

鹿村絕句

幽徑那從問主人穿林駐馬與堪頻
木犀花發

空山暗垂柳陰濃啼鳥新

二

朱櫻滿樹映行幃翠裊花開鳥亂飛一曲滄浪
歌欲晚牛羊處處下山歸

三

迢遞長途笳思和千林回首接滹沱莫言雙袖
頻揮淚愁見涼雲直北多

臨淮逢秦大入京口號

江畔逢君意自迷鄉書坐恨不曾攜為報家人

莫愁思征夫無恙向淮西

喬公故居戲題絕句

呂泉一夜雨蕭蕭古塚嬋娟草寂寥英雄割據
關何事徒有征人問二喬

玉山公署舊有芭蕉四本微有枝葉茲
過之甚盛因題一絕

山城細雨澹江天一枕空堂掩暮煙重來依舊
還行役惟有芭蕉勝去年

釣臺

伐木參差隔翠屏古臺影插半江明當年渙父
今何在滿目新煙處處生

過武林聞同署袁君在城中舊有湖上
之約奉寄

萬里相逢岐路前異鄉應有故人憐西湖處處
堪遊賞誰與重尋蝦菜船

利國道中

彭城嶮崎山最雄彭城波蕩水含空唯有鄉思
渾不怯百迴歸去夢魂中

偶懷北山舊隱口號

百尺泉聲透翠微山花色色映空飛雪中有迹
人應少松上無心鶴自肥

癸巳暑中作

庭艸青冥日色遲紗窓午睡醒來時科頭真自
無人問閒向中林一局碁

二

雨後雲霞共杳茫滿庭紅翠更芬芳隱囊紗帽
渾無事手藝交州心字香

三

雀鳴燕語日初晴手板支頤倚畫楹
蕊豔香濃花色滿一窓爛熳散人情

四

手中蟬雀引涼颺粉署餘香隱翠帷
莫訝晴窓多諫草年來時事盡堪疑

臨漳漫題

銅雀臺邊月正明漳河東下水無聲
十年射獵成何事一夕羈愁白髮生

二

一官駢拇欲何為苦憶慈親自遠離
獨坐空堂腸欲斷西陵風雨下山時

滏陽寄家書

路指邯鄲香不分一封遙寄羽林軍
春牕燭燼天將曙望斷孤飛薊北雲

二

迢迢草樹向長安淚擁征衣尚未乾
故園兄弟何能見月在清漳處處寒

鄭州偶題已丑五月僕使江西于鄭州
寄家書重來祇役聊成口號

數敲清角到庭除四面華燈映客居坐憶十年
情獨苦何人更寄帝京書

二

孤鴈黃昏自索群空帷魂夢杳難分鄉園十里
今何在坐聽清笳滿暮雲

夜入宿州

日暮悲風匹馬嘶孤城雨脚半山齊幽州更在

三河外何用梁園路不迷

春日小齋戲題絕句

微雲斜覆小亭陰草碧花香春已深那堪白日
移孤枕更取清風坐竹林

二

縠巾翠襖色氤氳香燼花飛日色分昨夜思親
渾不寐朝來望斷太行雲

三

數載羞言雅志違經春倍自感芳菲浮沉終日

成何事苦憶西湖采蕨薇

四

小門霧掩露團團寒食青烟滿畫欄日暮東風
千樹起一庭春草不勝寒

五

晝長無事閉重門薄宦堪承聖主恩翠栢開霞
真可羨空囊羞澀不須論

小壺河夜泛

樹蔽前村日已曛沙邊鷗鷺自連群孤舟獨坐

堪惆悵一曲清溪浸白雲

儀封郭氏別業有櫻桃一株往來憇止
輒三歲矣頃再過之結子殊盛聊賦一
絕

小園朝露濕芳叢自歎三年似轉蓬高樓獨上
無人共一樹櫻桃空自紅

絕句

自歎支離媿斷蓬尋思百計總難同孤燈小雨
蓬窗晚更讀殘書到夜中

署中絕句四首

夢覺更殘燈焰紅，輕風剪剪撲簾櫳。
牆頭多少芭蕉樹，一夜新愁細雨中。

二

冰絲初弄月侵廊，雨洗桃花澹澹香。
歸心何處尋知己，錦水巫山道路長。

三

欲奏哀鸞曲未成，隔江處處竹枝聲。
擁衾日夕堪愁坐，萬里思家遊子情。

四

戎濮何須問受降，悲歌空自對西江。
夾岸桃花還片片，畫梁燕子更雙雙。

時有撫蘭之議

署中絳桃開偶題

內人向晚試新粧，乍倚春風玳瑁牀。
喚起流鶯何處宿，絳桃一樹露華香。

二

小堂雲幕燼蘭膏，酒滴珍珠壓小槽。
殘霞依約誰拘管，為倩東風著絳桃。

西齋梳子一絕

瓊姿玉色照空園，漸到春殘花更繁。
却教錯恨昨宵雨，不為幽香獨斷魂。

小堂戲題

日夕香煙遶博山，半歌華鬢壓雲鬟。
手粘紅豆無些事，獨向金籠喂白鷗。

二

高樓雲幕暗簷楹，細雨蕭蕭報五更。
蚤起小園饒勝事，石稜新笋遶堦生。

冬日絕句二首

短短寒天夕，易陰半窻殘。
雪擁松林無人畫，日柴荆閉，唯有清音入古琴。

二

門前荆棘數尺長，烏啼鵲噪難禁當。
無暇更問人來往，小榻支頤焚甲香。

乙巳除夕偶題

半世沉淪鬢已班，幸從多病掩柴關。
寒風爆竹催何事，贏得新春日月閒。

鬧蛾粉荔逐時新
挑菜煎茶樂事頻
獨坐小窗還不寐
東風又報一年春

夏日絕句

榆柳陰濃四面新
更栽翠竹漸成隣
小堂不用開三徑
自有幽芳伴主人

薊丘集卷之三十終

薊丘集卷之三十一

薊丘王嘉謨伯俞著

門人關中盛以弘子寬

友人濱州王文運子相

弟

嘉詔奉孺校

族譜七篇

例義第一

蘇洵曰族譜者譜其族也人孰無族耶夫族而不傳與夫傳而不信者非其實也崇遠以敬宗

推原以隆祖嫡庶以別分內外以章嫌世及以明禮無他備焉爾矣

王嘉謨曰夫禮有宗子所以別其不宗子者也有子所以別其不子者也

世系第二

銘

鉞寔

嘉謨

忠衡俊璽欽寶應祥

嘉謨

鏜宣

嘉議

嘉詔

太宗傳第三

余於三祖遠矣嗚呼其德曷以悉焉其德曷以悉焉所見聞者則不敢誣云

諱忠山東濟南府鄒平縣人父得新母郭氏少
有材勇文皇南征公應募為軍鋒藁城之戰白
溝之勝公皆得雋論功行賞公偶未朝舖也則
炊於館人遂後之賞格應與指揮僅予副千戶
耳初屬羽林衛後改豹韜居京師薊之有王氏

自此始娶景氏可氏

諱衡始祖嫡子襲父爵翩翩有氣畧張英公討安南李指揮氏者婦翁也謂公曰吾與若父積苦矢石間而父數竒功遂不能與吾等吾甚恨之今南征之事起子豈有意乎公許諾相與南及陳李氏曰女任金鼓吾逐戎虜功成吾與女兩之李氏執矛而前公曰吾老母弱子吾魍魎於此王氏其亡矣遂別李而歸故卒無功不益封李屢有功拜大將軍其子孫今猶有存者

諱俊嫡子襲爵娶閔氏汪氏殯於東門外魏氏村劉瑾作玄明宮奪其地遂失之

諱壘宜人閔氏嫡子也襲爵性仁厚絕無觚稜人皆信而愛之居官與士卒同勞苦卒來謁者輒酒食之長公諫曰夫上下之分所以明制度一民志也故百夫之師不視場黍十人之長不與民語所以重其身昭其分也今下上和同何以示分以國爵而與卒伍何以示重非分非重道之所不存也公曰是亦何傷上下同情民志

趨焉况吾小醜承世及而矣衆人誰從我子之
是言亂之道也無德而崇其身傲也非君而拒
人霄也霄以為行傲以輔之身鮮不殆吾何以
豸乎長公卒如公言蚤卒不得官娶於李氏生
子欽銘鉞鏜女二人

諱欽為人豪邁不羈與弟鉞鏜或親友訪山川
或終月不回卒年四十三耳娶于氏生子寶寔
宣女一人

諱寶字國珍號石葵公

名應祥字德徵號吉所公

父祖之行盛矣胡不錄焉惟二親茂禧可形之
于頌不可著之于傳也

嘉謨字伯俞

錄至父祖備矣自列之悖也嫡庶之分大矣吾
承七世之傳者也即至不才胡可忽焉宗族之
來久矣而余繼之睹之可毋惕之乎紀之者故
不泯以已也

小宗傳第四

王嘉謨曰小宗者何庶也庶者何所謂族之庶也然其謂庶者何吾之叔姪兄弟是也君子曰庶族者其始兄弟也兄弟者其初一人之身也夫一人之身而休戚目為胡越慶吊擬之路人可不哀歟余甚感焉夫周公聖人也其讌兄弟詩有曰凡今之人莫如兄弟夫薦本支恤兄弟以升於二雅此周公所以載周至於乂也是故管蔡流言矢下晏如也其信公也深矣夫人有性有情性情之相為韞轂久矣今踈其親支而薦其羈遠有所不為吾不能媚於吾宗而使踣於困窮今夫饑寒爭奪世所共悲也將不忍焉嗚呼此棠棣之所以愁思也况於今乎夫不式可以移山同心可以斷金况兄弟哉

鉞性慳直五十未娶卒

銘鉞弟也性豪逸與兄尚氣不屑世務或誣告他氏侵銘兄子曰叔無往濡滯且止銘曰余何畏焉余而往彼將不勝其死矣弗聽因得疾卒

娶劉氏

鏜性坦易又博巧吾大父買宅西城留之守故室每月朔來大父贈之餼或貨財盡則復來如是終其身嘗與孫子輩談說舊事混混可聽與兄子宣不合感疾而歿年七十五

寔字國誠宣其弟云實性誠篤終日垂首坐不與人交語而能儉兄贈之能不妄用布衣扉履泊如也性孝友事兄如事父故為母所愛宣之下吏也自餽之鹽粟宣性精悍不羈閃爍以術舞人與賈人遊四方忽得罪拘之兄竭產救之

免死焉幽十餘年兄給之不絕隆慶初赦歸兩兄持其衣而泣也宣泣首請罪居無何如故又時時有惡少來叔鏜大惡之詬曰傭奴幾破我家今復敢爾乃與之鬩俄而鏜死衆以責宣宣懼乃出家為僧又不能守自制鄰婦誘之幾為所斃久之瞽其伉浪矜誕自若也

運字國昌銘之子也質木無文為賈不售困甚也蚤卒

嘉謨字仲言

嘉議字叔清

嘉詔字奉孺

內傳第五

王嘉謨曰夫天有陰陽之氣人有男女之別乾坤之象也內外之體也故男以章乾女以貞坤夫乾健而坤順男倡而女隨故四氣調人物育惟逆其所序則齟齬生之失陰陽之制也故先王之治天下也必自齊家始故關雎召和周之所以王也上官敗度孔之所以廢也慎諸夫女

柔行而靜用故粉飾以調其容環佩以肅其體閨閣以閑其身保傳以開其善是故采蘋藻事組織忠其制行遜其話言于以教家而相君子婦德之所以脩也故流光衍於子孫休美彰於奕世國之興廢也鮮不由之若弛其禮範而放其荒淫弛其禮範濫其心也放其荒淫毀其則也譬之水木謂其浚以茂而頤自牯歟其敗也孰禦之余茲感焉故作內傳

景氏鄒平人也世既寥遠其德莫可詳矣先祖

卒繼山東可氏

李氏二祖配

閔氏不知何許人汪氏山東女也性嚴寡居二十餘年

李氏都人李大將軍女也宜人寡居十餘年夫既仁厚宜人亦慈惠吾母之歸也猶及焉宜人家故富而夫方困李子時時以食飲遺我或夫婦子弟往居其家宜人弗有也于宜人其婦也宜人既老蓋母子孀居云夫撰醴飲製褐布勤

儉自景氏以下皆然不獨宜人也至大父弱冠舉二喪家事劇于蝟毛矣微二宜人殆不可為也嘉靖中卒年七十樞殯於西門之二里溝夫節義之于人不能一日亡者也無人無之譬之雨露雖遐方亦逮之矣但聞風易激遭變易缺孰能守金玉之完哉而遐音由之以不播矣吾聞之隱名必彰也獨行必聞也今之礪身飾行者豈少乎而誰盡睹哉故旌銘之典誦讚之傳未足以振怠亦非以平心也夫松栢之為物

在冬夏青青豈獨歲寒可見哉今不察木之源
而徇其一旦之不物群者亦悖矣此亦猶夫人
也余睹于宜人之行有感焉吾生十有一年而
宜人卒吾始為人宜人寡居已久吾少好嬉戲
日舞宜人前竊視宜人泊如也吾大父者宜人
長子大父寬仁明練家穀由之振先友與祖父
游者嘗提手望吾屋而指相謂曰王氏孤其父
生如騁隙何其負荷也是誰之力曾大父之亡
也舅姑兄弟皆仰食宜人而家顧貧甚或不能

食宜人盡心奉養鞠孤未嘗少倦宜人沉默情
情有所不厭人弗知也其細事不可勝記王父
買宅宜人至見室後一小室乃曰余可居此即
閉門紡績或終日不一出也宜人都人于氏女
家亦貧苦其幽澹芳慤之風貞白無求之節蓋
得之天性豈可與世俗豪家衣絲肉食以稱寡
母者哉嗟夫難為外人言也年七十四卒殯於
祖塋之二里溝贊曰於惟宜人少蹶所天秉心
貞亮大節克全孝德開先託孤盡命一世食貧

九泉照映三精靈秀百代珍竒琅玕自貴鸞鳳
高馳舉世滔滔粉飾耳目聊託小文永昭嗣服
楊氏石葵公配

游氏吉所公配

李氏馬氏嘉謨妻

嗟呼盛遇固不易哉有隱而完有衛而傷是故
異也余七世家矣嫡不絕宗庶不變行女無雙
適婦無二醮培淵德延休光以詔於子孫盛也
夫今夫柏舟譎而貞絕黃裳怨而心乖谷風作

而情菲於是窈窕之儀遠而竒麗之風盛姬姜
之守微而華丹之俗變勝國而下賢者蓋鮮聞
焉蓋高門多偽行而下流難自振多偽不可聞
也難振不易聞也於是貞白之女清慤之婦奮
焉思濯勵焉思起平時履准蹈繩一旦有故則
扁石良玉之行峻嶒自負視死如歸蹈窮如飴
然而君子悲焉夫關雎鵲巢之際非無任姒之
賢刑于之化也然而不可以名求焉則世治故
也今保傳不設而父母不教夫保傳不設於是

乎女無童蒙之養父母不教於是乎長無明白之志或以勢熏或以智玩故齊家之化阻雍雍之盛滅夫閨門四國之本也忽本競流誰能與之嗟呼上貴羔羊則世貴裘上艾節義則世喜邪余之數世貞德久矣則其弗彰也奚惑焉嗟呼此驥尾之所以可悲也

附傳第六

王子曰附孰謂則吾之姑姊是也夫葛纍之章吾愛焉故暨其九族夫族也者一本而分同形而異者也然則胡可畧焉

長欽姊也適國氏寡居三十餘年而歿為人雅有志慮其幽懷審細足以遠于情欲保於高明生子一人指揮使甚尊寵也願貧不聊生時時來吾王父輒資給之

次長姊也適趙氏夫最霄蚤卒

興欽女也適廖氏豹韜百戶其人桀驁畧如趙氏女鬱鬱而歿

元嘉謨女也聘於潘氏而卒

亞元婦也適栗氏

文中子曰娶妻而論財夷虜之道也余睹茲歎
焉夫瓊瑰可以示好八珍可以宣愛使備此而
矣敬焉則愛之乎夫嫚靡之俗雜於金元好利
之風倡於軒冕於是謔賢變為論貨勢位橫於
閨闈如今德者胡可得焉詩云豈其娶妻必宋
之子夫舍家耦而慕宋齊之勢詩人所為誠也
其孰能信之

譜序第七

吾王其始出不可知乃古書輒題琅邪太原吾
家雖國爵然羈旅新出安知所從來故不弗論
頃者使韓歸山東召縣人徧訪問之有數人稍
稍能言舊事其家貧窶壯者傭書老弱采稻織
蒲尚不能給爰之出一畫圖中有得新家諱吾
又微有異吾乃以為真也其人引吾至一高塚
塚累累傍列松栢十丈謂吾曰此吾家始祖宋
丞相泉之墓也子當祭吾乃焚黃而祭度其人
皆碌碌又言先世為棗強人元初遷於邾耳吾

固不能辨縣人皆詫以為且見欺然吾為鄒平
人官誥見存他可無問觀其圖譜始祖似若有
數第吾不復書乃其大畧如此耳丞相泉不知
為何具縣乘中吾又不能辨為吾子孫自稱燕
山可耳用以別于山東吾思山東如橘櫟之植
江淮騏驥之走邊徼也事固有兩可者歎啓淺
聞之人何足以知之

王嘉謨曰人之生也溷陰陽而育父母陰陽氣
之始也形之本也夫宗族者父母之始也胡可

忽焉是故春秋嘗禴時其思也咏歌德功崇其
感也冥心薦敬厚其報也夫葛藟有根犢羊有
母可以不如物乎嗟呼疏者不必言也精以滌
其心孝以明其志故宗廟可以事往惟寢可以
養生吾知仁人哲士必有以處矣夫推之而愈
引愈多者情也厚之而愈加愈嫩者用吾情也
夫高漸離擊筑荆軻為之流涕雍門子清歌孟
嘗為之於邑况宗族乎世之人必有寤於此者
焉夫上下有等親疎有辨體恤有禮厚薄有宜

此中華之所以尚也夷狄之所以去也君子之
所以順也人而蔑焉以自逞其與夷狄其何以
異焉夫兔絲之蔓與夫葵或援其枝或衛其足
余嘗觀薦紳先生嘗以勢榮其族至於譜亦列
焉悖亦甚矣將謂親之庇賴已也如大厦之榱
焉孟子曰君子之澤五世積德而光其勢深矣
豈必在己余有知識數年矣顧不度薄劣而作
譜是揚祖德者不盡矣罪也雖然不可以已嗚
呼後余者有讀此而惕然者乎其何能知焉其

何能知焉萬曆五年丁丑春三月日

蘇山集

卷之三十一

十一

立集卷之三十一終

